



Kakanj, 27.07. 2018. godine
Broj: 01/D-01-43- 11983 /18

Na temelju člana 72. stav (3) tačka c), zatim člana 69. stav (2) tačka e) i člana 70. st. 1, 4. i 6. Zakona o javnim nabavkama ("Sl. glasnik BiH", broj 39/14, 47/14) u postupku javne nabavke po konkurentskom zahtjevu za dostavu ponuda (KZ: 20/18 – Nabavka štampanog kancelarijskog materijala), v.d. direktora Društva Mr.sc. Sead Imamović, dipl.ing. donio je

ODLUKU **o poništenju postupka javne nabavke**

Član 1.

Poništava se postupak javne nabavke po konkurentskom zahtjevu za dostavu ponuda KZ: 20/18 – Nabavka štampanog kancelarijskog materijala, iz razloga što je izabrani ponuđač, nakon prijema Odluke o izboru najpovoljnijeg ponuđača, broj: 01/D-01-43-11703/18 od 20.07.2018. godine, u pisanoj formi odbio dodjelu ugovora dopisom broj: 322/18 od 24.07.2018. godine, a cijena drugorangirane prihvatljive ponude je znatno veća od osiguranih sredstava za predmetnu nabavku, član 69. stav (2) tačka e) Zakona o javnim nabavkama.

Član 2.

Za izvršenje ove odluke zadužuje se i ovlašćuje Komercijalna služba ZD RMU "Kakanj" d.o.o.-Kakanj.

Član 3.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

Obrazloženje:

Ugovorni organ je na osnovu člana 63. Statuta JP Elektroprivreda BiH d.d.- Sarajevo Zavisnog društva Rudnik mrkog uglja "Kakanj" d.o.o. Kakanj i Preporuke Komisije za javnu nabavku broj: 573-07/18 od 16.07.2018. godine po konkurentskom zahtjevu za dostavu ponuda (KZ: 20/18 – Nabavka štampanog kancelarijskog materijala), a u skladu sa članom 70. i 71. Zakona o javnim nabavkama ("Sl. glasnik BiH", broj 39/14), donio Odluku o izboru najpovoljnijeg ponuđača, broj: 01/D-01-43-11703/18 od 20.07.2018. godine, kojom je za najpovoljnijeg ponuđača za nabavku roba – Nabavka štampanog kancelarijskog materijala, izabran ponuđač „SAVICO“ d.o.o. Hadžići.

Nakon prijema Odluke o izboru najpovoljnijeg ponuđača, broj: 01/D-01-43-11703/18 od 20.07.2018. godine, izabrani ponuđač je u pisanoj formi odbio dodjelu ugovora dopisom broj: 322/18 od 24.07.2018. godine.

Shodno članu 72. stav (3) Zakona o javnim nabavkama ugovorni organ je dužan prijedlog ugovora dostaviti onom ponuđaču čija je ponuda po rang-listi odmah nakon ponude najuspješnijeg ponuđača koji je odustao od potpisa ugovora.


Kako je ponuda drugorangiranog ponuđača znatno veća od sredstava osiguranih za predmetnu nabavku, shodno članu 69. stav (2) tačka e) Zakona o javnim nabavkama, odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba JP Elektroprivreda BiH d.d.- Sarajevo Zavisnog društva Rudnika mrkog uglja "Kakanj" d.o.o. Kakanj, najkasnije u roku od 5 (pet) dana od dana prijema ove odluke.

Dostavljeno:
1 x Direktor Društva
1 x Učesnici u postupku javne nabavke
1 x a/a



v.d. Direktora Društva


Mr.sc. Sead Imamović, dipl.ing.